



**Atassummit Inatsisartunut ilaasortat  
Knud Kristiansen aamma Siverth K. Heilmann,  
maani**

**Akissut, § 36.1 2010-245 Tartululersimasut nunatsinni dialyserneqarsinnaalernissaannut Naalakkersuisut tungaanniit pilersaaruteqartoqarnerluni**

18. november 2010  
Sagsnr.  
Dok. Nr. 499189

Una pillugu apeqqummut qujavunga: **Naalakkersuisut tungaanniit pilersaaruteqartoqarnerluni siunissami tartululersimasut nunatsinni dialyserneqarsinnaalernissaannut** (Inatsisartunut ilaasortat Knud Kristiansen aamma Siverth K. Heilmann, Atassut).

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@nanoq.gl  
www.nanoq.gl

Apeqqut kalaallit tartululersimasut akuluiartikkiartorlutik piffissami aalajangersimangitsumi Danmarkimiittariaqartarnerannik tunngaveqarpoq, apeqquteqartullu isumaqarput tamanna pinngitsoorneqarsinnaagaluartoq atortorissaarutit sulisussallu pisariaqartinneqartut pissarsiarineqarpata.

Aallaqqaasiutigalugu malugeqquniarpara akuluiartittarnerup ilaa, nassat ameraasaatigut aammik akuluiartinnermik taaneqartartoq (peritonealdialyse) nunatsinnut nuunneqareermat. Tartululersimasut akuluiartittarnissamillu pisariaqartitsisut nassat ameraasaatigut aammik akuluiartinnermik, tamatumunnga periarfissaqarpat, maannakkut neqeroorfigineqarsinnaapput, amerlanerillu atajuartumik imaluunniit ukiorpassuarni taamatut pisariaqartitsisarput.

Nassat ameraasaatigut aammik akuluiaanermi imerpalasoq nassanut ingerlatineqartarpoq, tassangaanniillu peerneqaqqittarluni, timip igitassartai imerpalamut immikkoortinneqareeraangata. Tamannalu amerlanertigut ullormut sisamariarluni pisarpoq. Tamanna katsorsaaneq Rigshospitalimi pilatsilluni nassanut sulluleeqqamik ikkussivigineqarnikkut aallartinneqartarpoq. Tamatuma kinguinnguatiqut napparsimasup nassami ameraasaatigut aammik akuluiaalluni imminut katsorsarnek sungiusalersarpaa. Sungiusaaneq naammassippat napparsimasup aammi nassamigut akuluiarnissaa angerlarsimaffimmini ingerlatilersinnaavaa.

Napparsimasut ilaannut nassat ameraasaatigut aammik akuluiartinneq naammanneq ajorpoq, napparsimasullu tamakku aammik akuluiartinnermik (hæmodialyse) katsorsarneqartariaqartarput. Aammik akuluiaasarneq nunatsinni ullumikkut neqeroorutigineqarsinnaanngilaq.

Aammik akuluiaanermi sullulimmik taqqamut atajuartussamik ikkussinikkut aak toqqaannartumik sukuluiarneqartarpoq. Tamannalu amerlanertigut sapaatip akunneranut pingasoriarluni ingerlanneqartarpoq. Napparsimasut aammikkut akuluiartittartut piuminaatsumik nappaatillit Rigshospitalimi qitiusumik akuluiaasarfimmi katsorsarneqartarput, napparsimasulli imminnut katsorsartartut Frederiksberg Hospitalimi katsorsarneqarsinnaapput.

Tartululersimasunik Danmarkimut akuluiartikkiartortitsisarnermik pisariaqartitsineq allanngorarpoq: Maannakkorpiaq ukiumut 0 marlullu akornanni amerlassusillit atajuartumik akuluiarneqartarnissamut Danmarkiliartinneqartarput.

Aakkut akuluiaasarneq nunatsinnut nuunneqassagaluarpat Dronning Ingridip Napparsimmavissuani qitiusumik aakkut akuluiartittarfeqassaaq. Aakkut akuluiaasarneq nunatsinnut nuunneqassagaluarpat makku piumasaqaataapput:

1. aammik akuluiaanermik katsorsaasinnaasunik immikkut ilisimasalinik (nefrolog - tartukku nappaatinut nakorsaaneq/peqqissaasut immikkut ilisimasallit) ataavartumik sulisoqarnissaq,
2. avatangiisitigut sinaakkuttassat atortorissaarutillu pigineqarnissaat,
3. napparsimasunik naammattunik tungavissaqarnikkut katsorsaanermi sulisut ilisimasaannik sungiussisimanerinillu ataavartuutitsisinnaaneq,
4. tamatumani katsorsaaneq danskit/nunallu tamat nalinginnaasumik pitsaassusissamut piumasarisaasa naammassineqarnissaannik isumannarinnittumik katsorsaanermi sulisut ilisimasaat atortorissaarutillu ingerlaavartumik nutarterneqartassasut.

Napparsimasunut ataasiakkaanut aakkut akuluiaalluni katsorsaasarnerup nunatsinnut nuunneqarnissaanut apeqqutaasussaavoq nunatsinni taamatut immikkut katsorsaasarneq pisariaqartinneqartoq naammassineqarsinnaanersoq. Tassunga atatillugu erseqqissassallugu pingaaruteqarpoq, tartululersimasut tamaasa nunatsinnut nuunnissaat qaqumulluunniit piviusunngorsinnaanngitsoq, tassami taamatut nappaatillit ilaat napparsimasarmata ajornakusoortorujussuarmik katsorsarneqartussamik, taamaasillutillu nunatsinni neqeroorutigineqarsinnaasuni tamakku saniatigut immikkut ittumik katsorsarneqarnissamik pisariaqartitsillutik. Taamaattumik aakkut akuluiaalluni katsorsaasarneq nunatsinnut nuunneqaraluarpaluunniit taakku Rigshospitalimi katsorsartittariaqartassapput.


Naalackersuisut Peqqissutsimut Naalackersuisoqarfik aqqutigalugu ingerlaavartumik malinnaaffigaat aakkut akuluiaalluni katsorsaasarnerup nunatsinnut nuunneqarnissaa tungavissaqarnerisooq, aammalu atortorissaarutitigut nutaanik periar-

fissaqarnersoq, aakkut akuluiaalluni katsorsaasarnerup nunatsinnut nuunnissaanut pitsannguisumik periarfissiisoqarnissaanut.

Tartukkut nappaatinut nakorsaaneq isumaqartuarpoq, katsorsaasarnermik nunatsinnut nuussisoqassagaluarpat sulianut qaffasissusermik ullumikkut pisariaqartinneqartumik atatiinnartitsinissamut aakkut akuluiaalluni katsorsaanssamut napparsimasuutit ikippallaartut, taamaattumillu maannakkorpiaq Naalakkersuisut tamatumunnga tunngasutigut pilersaaruteqanngillat.

Aakkut akuluiaalluni katsorsaasarnerup nunatsinnut nuunneqarnissaanut tunngatillugu pingaartumik aningaasaqarniarneq eqqarsaatigalugu § 36.1 2010-58-imut akissutigineqartoq innersuussutigaaara.

Inussiarnersumik inuulluaqqusillunga



Agathe Fontain



14.Oktober 2010

Inatsisartut suleriaasianni § 36, immikkoortoq I naapertorlugu matumuuna imaattumik Naalakkersuisunut apeqquteqarpugut:

**Apeqqu:** Naalakkersuisut tungaanningaanniit pilersaaruteqartoqarnerluni siunissami tartululersimasut nunatsinni dialyse-neqarsinnaalernissaannut?

(ATASSUT sinnerlugu inatsisartuni ilaasortat: Sivert K Heilmann, Knud Kristiansen)

Tungavilersuut:

Kalaaleqatigut tartululersimasut dialyse-neqartalernissartik peqqutigalugu piffissami aaliangersimanngitsumi qallunaat nunaanniittariaqalertarput. ATASSUT-mit isumaqarpugut tamanna pinngitsoorneqarsinnaagaluartoq atortorissaarutit sulisussallu pisariaqartinneqartut pissarsiarineqarpata, taamaasilluta kalaaleqatigut tartulertinnissaminnut utaqqinerminni nammineq nunaminni utaqqisinnaassammata.

Inussiarnersumik Inuulluaqqusilluta

Inatsisartuni ilaasortat